



古書醫言

一

武
501
1



明 武 9
501
1

東洞吉益先生著

古書醫言序

魁成堂藏

古書醫言序



天有日月星辰地有山川澤陵
日月星辰者天之文也山川澤
陵者地之象也而其文與象俯
仰瞻望瞬目之間亦可能觀察
焉人見其日月星辰唯謂之大
見其山川澤陵唯謂之廣而其
廣與大一朝一夕尺寸之陰豈

可得窮極矣哉夫古書之可尊
在乎其信信古醫之可貴在乎
其治治而苟書之不明病之不
治惡在其尊貴之也我 先祖
考東洞翁生二千歲之下學二
千歲之上道不古則不從方不
古則不取鑽研多年用以施之
於今始晤萬病一毒無疾不治

乃考諸古而無繆微諸今而不
疑於是規矩準繩立焉紀綱法
則舉焉古疾醫之道遂復明於
今世 翁嘗嗟其疾醫之道熄
而陰陽醫之言行稽諸秦漢以
上言醫事者而評論辨闢之題
曰古書醫言或恐人之視者唯
謂崇東洞一家言不深研窮而

其崇尚之者猶寡然吾東洞
者原盡疾醫之本要是以其所
取僅十一而所舍殆十九况乎
百家亦皆非醫唯幸存言醫真
言之千百於十一爾孰能分其
珠玉與魚眼故苟不聰明睿智
之人冀達其本要者則不可與
言疾醫之大道也嗚呼吾東

洞既沒先考南涯夙受其業已
有傷寒論精義之著特以此書
未公于世亦未上梓文化癸酉
之春梨棗日謀無幾亦不幸見
背不肖惟辱入續業但日夕講
究幹父祖之事幸以父祖之
靈獲業速竣尋又將就傷寒論
精義庶乎得不忝矣順又竊謂

此書一出人之知吾東洞與不者在乎其信於此與不且人視我之言顧者不知復以為如何文化十年冬十一月

平安 吉益順謹撰



古書醫言引用書目

卷之一策

周易

書經

詩經

禮記

周禮

論語

家語

左氏傳

卷之二

荀子

文子

亢倉子

子華子

劉子新論

鄧析子

鬼谷子

參戰國策

古書醫言 呂氏春秋目

莊子

史記

卷之三

史記

淮南子

列子

鹽鐵論

楊子法言

潛夫論

參申鑒

中論 前集

心卵經

卷之四

鵬冠子

劉向新序

孔叢子

陸賈新語

春秋繁露

說苑

論衡

前漢書

後漢書

內經

傷寒論

Blank area for text on the right page.

古書醫言卷之二

安藝 吉益為則公言著

男 猷修夫校

孫 順信夫



易曰九五无妄之疾勿藥有喜

象曰无妄藥不可試也

為則曰九五以中正當尊位下又以中正應之可謂无妄之至其道無以加矣疾者謂作之病也以九五之无妄如其有疾勿以藥治則有喜也夫人之有疾則以毒藥攻去其病毒以復其正若無疾

病而攻治之則反害其正矣故勿藥自愈也无妄之疾雖自外來无妄之體剛健貞順固不受也而无妄之疾而動則是爲妄也

書曰若藥弗瞑眩厥疾弗瘳

爲則曰書言醫事可信其古焉而後世不由此語蓋漢以降疾醫之道熄焉陰陽醫隆焉夫陰陽者造化之事而非人事也故聖門天地陰陽者恭敬而從之慎無犯耳以陰陽不論人事也然漢以降陰陽之說播而吾道湮矣其論益似微其事益難成也悲哉天下衆庶嬰疾不能免脫其苦患

也是無它以陰陽論疾病以不知爲知之弊也乃如太倉公是也蓋醫者掌疾病疾病不治豈謂醫乎然太倉公論死生而不能救疾病偶有救者論與治乖非空言虛論而何故於其傳評之可以考矣今此語易讀難行爲之則瞑眩瞑眩人人皆異千變萬怪不可名狀也故藥中肯綮毒不解則藥終弗瞑眩也毒解則藥忽瞑眩也或有瞑眩數十日絕食羸瘦將死而毒盡頓快者也有或瞑眩數死數蘓而毒盡漸治者也是皆軀不自爲之者奚能得知焉故曰此語易讀難行也醫術習熟在茲

醫術習熟在茲

詩經曰匪我言耄爾用憂譴多將焯焯不可救藥
為則曰多行焯焯慘毒之惡譬之死病無良醫
禮記曰醫不三世不服其藥

孔氏穎達曰父子相承至三世是慎物調齊矣呂
氏太臨曰醫至三世治人多矣用物熟矣功已試
而無疑然後服之亦謹疾之道也方氏慤曰醫之
為術苟非祖父子孫傳業則術無自而精術之不
精可服其藥乎為則云禮之所言其常而已雖非
傳業其人而自然克得倘克治疾未及三世固所

可用也

凡執技以事上者祝史射御醫卜及百工凡執技以
事上者不貳事不移官

為則曰禮運曰臣與家僕雜居齋齒非禮也

孟春行秋令則其民大疫

季春行夏令則民多疾疫

孟夏月也聚畜百藥

仲夏行秋令民殃於疫

孟秋行夏令民多癘疾

季秋行夏令民多飢疢

民必疾疫又隨以喪命之曰暢月

仲冬行春令民多疥癩

爲則曰凡月令之言病於治療無益矣雖聖經不能無疑唯率以言之乃可也理以推之乃不可也又周禮及呂氏春秋等月令皆倣之非疾醫之事惻怛之心痛疾之意悲哀志懣氣盛

爲則曰是不因毒病故不藥而治以此醫之治毒可確知矣

或曰輔病婦人童子不技不能病也

爲則曰可考喪服四制義疏

周禮曰聚毒藥以共醫事

爲則曰注云藥之物恆多毒是未知而爲說誤也夫藥皆毒也以毒解毒故瞑眩弗瞑眩厥疾弗瘳雖五穀用以爲藥則毒故瞑眩也鄭玄不爲醫因不知此義而作說其誤傳于千載聖人之禁戒可畏可慎

歲終則稽其醫事以制其食十全爲上十失一次之十失二次之十失三次之十失四爲下爲則曰稽醫事之當否而非計死生之多少誤有爲計死生之多少者豈得以死生稽人功哉夫死

生者天之主也疾病者醫之主也假令瘳於疾病雖十全矣命盡則死故古語曰死病無良醫是之謂也

食醫掌和王之六食六飲六膳百羞百醬八珍之齊凡食齊眠春時羹齊眠夏時醬齊眠秋時飲齊眠冬時

凡和春多酸夏多苦秋多辛冬多鹹調以滑甘

凡會膳食之宜牛宜稌羊宜黍豕宜稷

犬宜梁鴈宜麥魚宜菰

凡君子之食恒放焉

為則曰以食醫之法不可論疾醫也食者有養之意也疾者有攻之意也不可混矣蓋本草混之故建禁忌之法誤也太都養者從好惡攻者不拘好惡也

疾醫掌養萬民之疾病四時皆有癘疾春時有瘡酸

也首疾夏時有痒疥疾秋時有瘧寒疾冬時有嗽上

氣疾

為則曰是因四時氣令而內毒動也氣令者天事也以人事不可治也內毒者人事也疾醫能治之故見病發言之乃可也理以推之乃不可也

以五味五穀五藥養其病

為則曰病無養之道故注云養猶治也

又曰病由氣勝負而生是陰陽醫之說而非疾醫之論

以五氣五聲五色眡其死生

為則曰知死生也病者與醫者無益由之思之古人有疑於周禮也宜哉

兩之以九竅之變參之以九藏之動

為則曰九竅九藏四肢百體是造化之所為也以人事不可揆也病者皆毒依於法太其毒則九竅

九藏之變皆治復初由是觀之古人所謂是亦攬

入乎

凡民之有疾病者分而治之或終則各書其所以而入于醫師

瘍醫掌腫瘍潰瘍金瘍折瘍之祝藥劑殺之齊

鄭司農曰祝當為注讀如注病之注聲之誤也注謂附著劑謂刮去

凡療瘍以五毒攻之

鄭司農曰止病曰療攻治也五毒五藥之有毒者今醫方有五毒之藥作之合黃耆置石膽丹砂雄

黃礬石慈石其中燒之三日三夜其煙上著以鷄羽掃取以注創惡肉破骨則盡出

以五氣養之以五藥療之以五味節之

鄭司農曰五氣當作五穀為則曰五穀亦用於藥則皆毒也

凡藥以酸養骨以辛養筋以鹹養脈以苦養氣以甘養肉以滑養竅

為則曰是亦攙入陰陽之論也疾醫不取辨三酒之物一曰事酒二曰昔酒三曰清酒

鄭司農曰事酒有事而飲也昔酒無事而飲也清

酒祭祀之酒玄謂事酒酌有事者之酒其酒則今之醪酒也昔酒今之會久白酒所謂舊醪者也清酒今中山冬釀接夏而成為則曰古方白酒清酒以是可知矣

論語曰孟武伯問孝子曰父母唯其疾之憂

古注曰孝子不妄為非唯疾病然後使父母憂

伯牛有疾子問之自牖執其手曰亾之命矣夫斯人也而有斯疾也斯人也而有斯疾也

子之所慎齊戰疾

為則曰疾之慎則在乎守節

曾子有疾召門弟子曰啓予手啓予足詩云戰戰兢兢如臨深淵如履薄冰而今而後吾知免夫小子
曾子有疾孟敬子問之曾子言曰鳥將死其鳴也哀人之將死其言也善

爲則曰孝經云身體髮膚受之父母不敢毀傷孝之始也免者免災也夫君子言必信行必忠故免災也今之學者乃不然慎旃

敢問死曰未知生焉知死
爲則曰死生天命也故聖人不論况於常人乎
子夏曰商聞之矣死生有命富貴在天

子曰南人有言曰人而無恒不可以作巫醫善夫
物子曰人而無恒不可以作巫醫鄭玄曰主巫醫不能治無恒之人物子曰鄭玄之解古來相傳之說已作巫醫者謂爲其人卜筮且醫疾也非謂以其人爲巫醫之人也

康子遺藥拜而受之曰丘未達不敢嘗
爲則曰孔安國曰未知其故故不敢嘗禮也物子曰古人解古文辭可謂盡之矣祇其辭簡與讀者未易解已故故實也謂禮也未知其故故不敢嘗是解孔子之言也禮者言孔子所以言者禮也醫

師職曰醫師掌醫之政令聚毒藥以共醫事是古之藥多毒藥故鄭註曰藥之物恒多毒爲則曰蓋鄭玄徂來皆非醫也而不行而言藥多毒此誤也本草曰有毒無毒是食醫之事而非疾醫之事也以食醫混疾醫亦誤也是疾醫之道所以絕焉食醫者主養也疾醫者主攻也故古語攻病以毒藥養精以穀肉菓菜雖穀肉菓菜用爲藥則有攻之意故藥皆毒也譬如甘麥大棗湯三味爲食料則無毒用藥方中肯綮則大瞋眩或吐瀉或發汗而其毒解疾乃瘳是無它毒毒于毒也吾黨小子行

而言勿舌言雖彼博洽巨儒不行而言皆臆也故學如鄭玄徂來尚致此過失矣聖人戒之曰有不_知而作_之者我無是也慎哉又曰如藥弗瞋眩厥疾弗瘳此非疾醫則不能解也知藥皆毒亦然物子曰饋毒於人而令_死古者謂之饋藥焉是所以無饋藥之禮也孔子時禮失俗變貴人聞疾或饋之時人亦必嘗之依賜食之禮也皆非禮也此或一說

家語曰哀公問孔子曰智者壽乎仁者壽乎孔子對曰然人有_三死而非其命也已自取也夫寢處不時

飲食不節逸勞過度者疾共殺之居下位而上于其君嗜欲無厭而求不止者刑共殺之以少犯眾以弱侮強忿怒不類動不量力兵共殺之此三者非命也人自取之若夫智士仁人將身有節動靜以義喜怒以時無害其性雖得壽焉不亦宜乎

孔子曰良藥苦於口利於病

為則曰藥皆毒也毒毒于毒而疾乃瘳奚藥之良之有焉按史記漢書皆作毒藥韓非子說苑并作良藥憶者劉向校合家語之時因韓非作良藥乎今從史漢作毒藥為是

曾子耘瓜誤斬其根曾皙怒建大杖以擊其背曾子化地而不知人久之有頃乃蘓

君子修道立德不為窮困而改節為之者人也生死者命也

魯哀公問於孔子曰人之命與性何謂也孔子對曰分於道謂之命形於一謂之性化於陰陽象形而發謂之生化窮數盡謂之死

鄭子產有疾謂子太叔曰我死子必為政唯有德者能以寬服民其次莫如猛

春秋左氏傳曰六日公至毒而獻之公祭之地墳與

犬犬斃與小臣小臣亦斃

為則曰地墳是不知為何毒太甚

隕石于宋五隕星也六鷁退飛過宋風也云退而

告人曰君失問是陰陽之事非吉凶所生也吉凶由

入吾不敢逆君故也

為則曰陰陽者天事也吉凶者人事也積善餘慶

而吉積惡餘殃而凶譬如人病有毒于內則因天

令而毒動病無毒于內則天令雖烈不病也陰陽

之事以人事不可計奉順而守之耳

邾子曰苟利於民孤之利也天生民而樹之君以利

之也民既利矣孤必與焉左右曰命可長也君何弗

為邾子曰命在養民成之短長時也民苟利矣遷也

吉莫如之遂遷于繹五月邾文公卒君子曰知命

齊侯戒師期而有疾醫曰不及秋將成

穆公有疾曰蘭成吾其成乎吾所以生也刈蘭而卒

晉人獲秦謀殺諸絳市六日而蘓

晉晉克有蟲疾

諺曰高下在心川澤納汚山藪藏疾

郇瑕氏土薄水淺其惡易觀易觀則民愁民愁則墊

隘於是乎有沈溺重隄之疾不如新田土厚水深居

之不疾

爲則曰是後世所謂脚氣之濫觴也然脚氣無毒人雖居旱濕之地不疾故特無脚氣之藥但視毒之所在而治則克治學者察諸

晉侯夢大厲被髮及地搏膺而踊曰殺余孫不義余得請於帝矣壞大門及寢門而入公懼入于室又壞戶公覺召桑田巫巫言如夢公曰何如曰不食新矣公疾病求醫于秦秦伯使醫緩爲之未至公夢疾爲二豎子曰彼良醫也懼傷我焉逃之其一曰居膏之上膏之下若我何醫至曰疾不可爲也在膏之上膏

之下攻之不可達之不及藥不至焉不可爲也公曰良醫也厚爲之禮而歸之六月丙午晉侯欲麥使甸人獻麥饋人爲之召桑田巫示而殺之將食張如厠陷而卒小臣有晨夢負公以登及日中負晉侯出諸厠遂以爲殉

爲則曰緩之言非疾醫之辭註曰傳言巫以明術見殺小臣以言夢自禍孔子曰不語怪力亂神豈亦其人之命耶

晉范文子反自鄢陵使其祝宗祈死曰君驕侈而克敵是天益其疾也難將作矣愛我者唯祝我使我速

灰無及於難范氏福也六月戊辰士燮卒

君子謂子重於是役也所獲不如所亡楚人以此咎子重子重病之遂遇心疾而卒

為則曰非毒而病皆不可藥焉

子駟使賊夜弑僖公而以瘡疾赴于諸侯

以待疆者而庇民焉寇不為害民不罷病不亦可乎

子駟曰國病矣子展曰得罪於二大國必亡病不猶

愈於亡乎

為則曰疾病可治灰不可救

叔豫曰國多寵而王弱國不可為也遂以疾辭方暑

闕地下冰而沐焉重繭衣裘鮮食而寢楚子使醫視

之復曰瘠則甚矣而血氣未動乃使子南為令尹吾

見申叔夫子所謂生灰而肉骨也

其御曰孟孫之惡子也而哀如是季孫若灰其若之

何臧孫曰季孫之愛我疾疾也孟孫之惡我藥石也

美疾不如惡石夫石猶生我疾之美其毒滋多孟孫

灰吾亡無日矣

詩曰誰能執熱遊不以濯禮之於政如熱之有濯也

濯以救何患之有

為則曰古昔有水漬之法亦如此太倉公傳可考

矣

然明謂子產曰：毀卿校如何？子產曰：何為？夫人朝夕退而游焉，以議執政之善否。其所善者，吾則行之；其所惡者，吾則改之。是吾師也。若之何？毀之，我聞忠善以損怨，不聞作威以防怨。豈不遽止？然猶防川，大決所犯傷人必多，吾不克救也。不如小決使道，不如吾聞而藥之也。然明曰：蔑也。今而後知吾子之信可事也。小人實不才，若果行此，其鄭國實賴之。豈唯二三臣？仲尼聞是語也，曰：以是觀之，人謂子產不仁，吾不信也。

晉侯有疾，鄭伯使公孫僑如晉聘，且問疾。叔向問焉，曰：寡君之疾病，卜人曰：實沈、臺駘為祟。史莫之知，敢問此何神也？子產曰：云云。由之觀之，則臺駘、汾神也。抑此二者不及君身，山川之神則水旱癘疫之災於此乎。禳之云云。若君身則亦出入飲食哀樂之事也。山川星辰之神又何為焉？僑聞之，君子有四時朝以聽政，晝以訪問，夕以脩令，夜以安身。於是乎節宣其氣，勿使有所壅閉湫底，以露其體。茲心不爽而昏亂百度，今無乃壹之則生疾矣？僑又聞之內官不及同姓，其生不殖，美先盡矣，則相生疾。君子是以惡之云云。

云晉侯聞子產之言曰博物君子也重賄之

為則日子產曰若君身則亦出入飲食哀樂之事也嗚呼君子言哉慎疾醫之疾在飲食嗜欲守節爾後世謂風寒暑濕之疾誤可以知矣

又日子產曰君子有四時是養生脩身之道可不務乎

晉侯求醫於秦秦伯使醫和視之曰疾不可為也是謂近女室疾如蠱非鬼非食惑以喪志良臣將死天命不祐云云趙孟曰良醫也厚其禮而歸之

為則曰是國醫之論而非疾醫之事也後世醫書

以此論言六氣之疾誤也蓋其所論近女室疾如蠱良臣將死皆是非疾為之也

衛侯使賂周欵治瘧曰苟能納我吾使爾為卿周治殺元咺及子適子儀公入祀先君周治既服將命周欵先入及門遇疾而死治瘧辭卿

為則曰周欵死也假令不死治瘧見其疾以為罰而辭乃可矣過而改則無災也祭統曰爵有德而祿有功必賜爵祿於大廟爾不敢專也周治為卿不義也不義神明不受也宜哉見罰

晉侯飲酒云亦自飲也曰味以行氣氣以實志志

以定言言以出今臣實司味一御失官而君弗命臣之罪也公說徹酒

為則曰味以行氣固然但後世醫家欲以毒藥行

氣大誤矣何則非食味氣不得養故可謂味以行

氣也藥皆毒疾亦毒也以毒攻毒氣或不行為有

毒而去其毒則氣自行故不可謂藥以行氣也

許悼公癰五月戊辰飲太子止之藥卒太子奔晉書

曰弑其君君子曰盡心力以事君舍藥物可也

為則曰凡非本職勿好為焉奚唯藥

泠州鳩曰王其以心疾死乎

水潦方降疾瘡方起

齊高彊曰三折肱知為良醫

為則曰醫之為功也以一不可決再三得功而後

方證始可以言已

樹德莫如滋去疾莫如盡

是歲也有雲如衆赤鳥夾日以飛三日楚子使問諸

周大史周大史曰其當王身乎若禳之可移於令尹

司馬王曰除腹心之疾而寘諸股肱何益不穀不有

大過天其夭諸有罪受罰又焉移之遂弗禳昭王有

疾卜曰河為崇王弗祭大夫請祭諸郊王曰三代命

疾卜曰河為崇王弗祭大夫請祭諸郊王曰三代命

祀祭不越望江漢睢漳楚之望也禍福之至不是過
 也不穀雖不德河非所獲罪也遂弗祭孔子曰楚昭
 王知大道矣其不失國也宜哉夏書曰惟彼陶唐帥
 彼天常有此冀方

吳將伐齊越子率其衆以朝焉王及列士皆有饋賂
 吳人皆喜唯子胥懼曰是豢吳也夫諫曰越在我心
 腹之疾也壤地同而有欲於我夫其柔服求濟其欲
 也不如早從事焉得志於齊猶獲石田也無所用之
 越不爲沼吳其泯矣使醫除疾而曰必遺類焉者未
 之有也

且唯聖人能無外患又無內憂距非聖人必偏而後
 可偏而在外猶可救也疾自中起是難
 君子失心鮮不夭昏

平公有疾秦景公使醫和視之云文子曰醫及國
 家乎對曰上醫醫國其次疾人固醫官也

爲則曰國醫與疾醫之分於是可知
 吾聞國家將敗必用姦人而嗜其疾味其子之謂乎
 夫誰無疾青能者蚤除之舊怨滅宗國之疾膏也
 管子曰朝忘其事夕失其功邪氣入內正色乃衰
 上恃龜好用巫醫則鬼神驟崇故功之不立名之不

古書醫言 卷之二 十一 明倫堂

章為之患者二二云云

再會諸侯令曰養孤者食常疾收孤寡

為則曰五霸之令如斯民之蒙恩澤可以知矣然

至於孟子之時諸侯放肆乃不然故孟子曰今之

諸侯五霸之罪人也

故赦者犇馬之委轡毋赦者瘞眵為則云眵恐之礦

石也

滋味動靜生之養也好惡喜怒哀樂生之變也聰明

當物生之德也是故聖人齊滋味而時動靜御正六

氣之變也

當生者生當死者死言有西有東各死其鄉置常立

儀能守貞乎

欲愛吾身先知吾情君親六合以考內身以此知象

乃知行情既知行情乃知養生

三月如咀咀者何曰五味五味何曰五臟酸主脾鹹

主肺辛主腎苦主肝甘主心五藏已具而後生肉脾

生膈肺生骨腎生腦肝生草心生肉五肉已具而後

發為九竅脾發為鼻肝發為目腎發為耳肺發為竅

五月而成十月而生生而目視耳聽心慮目之所以

視非特山陵之見也察於荒忽耳之所聽非特雷鼓

聞也察於淑湫心之所慮非特知於麤麤也察於微
眇

為則曰五臟六腑四肢百骸之論諸書各異要之
其旨皆以理推之論說之辭也蓋五臟六腑四肢
百骸九竅皆造化之所為而非人之所為也醫家
率以陰陽五行之理論之療之無有寸效矣疾醫
不然以造化不混於人事萬病唯為一毒去其毒
則目之不明也明耳之不聞也聞其為術可以知
矣不能為而論之臆而無益君子不為

遇者兼和然則天無疾風艸木發奮鬱氣息民不疾

而榮華蕃

死灰生生因天地之形天地之形聖人成之

不思不慮不憂不圖利身體便形軀養壽命垂拱而

天下治

思索生知慢易生憂暴傲生怨憂鬱生疾疾困乃死
思之而不捨內困外薄不蚤為圖生將巽舍

為則曰憂鬱生疾是甚不然夫七情者氣也雖憂
鬱逢喜有時忽消雖逢喜憂鬱或時不消是因憂
而有毒聚而不去也疾者毒也無毒而不病故治
術唯去毒耳學者思諸

凡人之生也天出其精地出其形合此以為人和乃生不和不生察和之道其精不見其微不醜平正擅胸論治在心此以長壽

桓公曰善哉牧民何先管子對曰有時先事有時先政有時先德有時先怒飄風暴雨不為人害涸旱不為民患百川道年穀熟糴貸賤禽獸與人聚食民食民不疾病

當春三月荻室燠造鑽燧易火杼杼引而漉之也又漂水也井易

水所以公茲毒也

夏有大露原煙墮下百草人采食之傷人人多疾病

而不止云云大寒大暑大風大雨其至不時者此謂

四刑或遇以死或遇以生君子避之是亦傷人

為則曰天令不傷人以此足知或遇以死或遇以

生是無它遇天令而內毒動而死者有之遇天令

而內毒去而生者有之均是天令生死不同不可

預知也故君子避之後世鑿家計之論之矣哉噫

起居時飲食節寒暑適則身利而壽命益起居不時

飲食不節寒暑不適則形體累而壽命損

修行慢易則汚辱生矣故曰邪氣襲內正色乃衰也

人君唯毋好全生則羣臣皆全其生而生又養生養

何也曰滋味也聲色也然後為養生然則從欲妄行男女無別及禽獸然則禮義廉耻不立人君無以自守也故曰全生之說勝則廉耻不立

民之能已民疾病者置之黃金一斤直食八石

晏子春秋曰景公疥且瘡暮年不已召會譴梁丘據

晏子而問焉曰寡人之疾病矣云改月而君病悛

為則曰此文與左傳同故不枚舉

景公病水卧十數日夜夢與二日鬪不勝晏子朝公

曰夕者夢與二日鬪而寡人不勝我其死乎晏子對

曰請召占夢者出於閨使人以車迎占夢者至曰曷

為見召晏子曰夜者公夢二日與公鬪不勝公曰寡

人死乎故請君占夢是何為也占夢者曰請反其書

晏子曰母反書公所病者陰也日者陽也一陰不勝

二陽故病將已以是對占夢者入云居二日公病

大愈限曰去病之文大同小異然不效舉

景公病疽在背高子國子請公曰職當撫瘍高子進

而撫瘍公曰熱乎曰熱熱何如曰如火其色何如曰

如未熟李大小何如曰如豆墮者何如曰如履辨二

子者出晏子請見公曰寡人有病不能勝衣冠以出

見夫子其辱視寡人乎晏子入呼宰人具盥御者具

見夫子其辱視寡人乎晏子入呼宰人具盥御者具

巾刷手溫之發席傳薦跪請撫瘍公曰其熱何如曰
 如日其色何如曰如蒼玉大小何如曰如璧其墮者
 何如曰如珪晏子出公曰吾不見君子不知野人之
 拙也

景公疥遂疔云

云

為則曰左傳之文大同少異故不枚舉

景公疥遂疔云云 晏子出公曰吾不見君子不知野人之拙也 景公疥遂疔云云 晏子出公曰吾不見君子不知野人之拙也 景公疥遂疔云云 晏子出公曰吾不見君子不知野人之拙也

古書醫言卷之一終

公與公問不類公曰

